

CP05

Baca dialog berikut dengan teliti, kemudian jawab soalan-soalan yang mengikutinya.

- a) Terangkan maksud peribahasa yang bergaris bawah dalam kata bual di bawah.
(10 markah)
- b) Dialog di bawah menggunakan bahasa lisan. Tuliskan semula dialog tersebut dalam bentuk bahasa tulisan. (10 markah)

Khairi : Nampaknya kata-kata menteri kita tu bukan omong kosong, ya Zam?

Zamri : Tentulah pemerintah tak boleh lepas tangan tentang hal penjimatan penggunaan air. Kalau masalah ini dibiarkan, tentu ia akan menjejaskan keselamatan dan ekonomi negara.

Khairi : Aku setuju dengan tindakan yang nak diambil pemerintah tu. Masih ada yang bukan kepalang degilnya. Sedar tak mereka, air tu suatu yang amat berharga. Kalau kita tak cermat, tentu bekalan air untuk kita tak akan cukup.

Zamri : Soalnya, bukan pemerintah suka-suka nak dikenakan bayaran yang lebih tinggi. Masalah ini tidak boleh dipandang sebelah mata saja.

Khairi : Cakap kau benar. Aku harap mereka yang bazirkan air akan berfikir dua kali semasa menggunakan air. Sebenarnya, ada banyak cara kita boleh buat untuk jimatkan air.